



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XII. De Causa Possessionis & Proprietatis.

[urn:nbn:de:hbz:466:1-63440](#)

videtur æquior, & l. 8. §. 7. ff. de pœnis confor-
mior.

Objic 1. Juxta §. 24. Inst. de Action. & l. 2. 3
C.h.t. Actor *re* seu quantitate plus petens con-
demnatur etiam in triplum ejus, quod viatoribus
est præstandum ratione majoris quantitatis in li-
bello comprehensa: ergo non tantum in expen-
sas. 2. In l. 3. C.eod. Actor *re* plus petens dici-
tur causâ cadere: ergo etiam de Recentiori adhuc
Jure cadit causâ. R. ad 1. Illa pœna tripli in Jure
Canonico non reperitur, & in foro Civili per uni-
versalem consuetudinem abrogata est. Ad 2. ibi
est sermo de casu speciali, quo non tantum plus
petitur quantitate, sed etiam dolosè exigitur cau-
tio à Reo super falsa quantitate petita. Et pro
hoc casu non correctum, sed firmatum est Jus an-
tiquum §. 33. cit.

TITULUS XII.

De Causa Possessionis & Pro- prietatis.

SUMMARIUM.

1. *Quid Possessio, & qua ejus commoda.*
2. *Quotuplex sit Possessio.*
3. *Quid sit Proprietas, ac dominium, plenum &
non plenum.*
4. *Quid sit causa Possessionis & Proprietatis, seu
Judicium Possessorum & Petitorum.*
5. *Quomodo acquiratur Possessio.*

Aa 5

6. Et

6. *Et quomodo amittatur.*
7. *An possessor bona fidei teneatur cum re aliena in Judicio evicta restituere perceptos fructus formaliter existentes, item an quoque virtualiter existentes.*
8. 9. *Quomodo acquiratur dominium, & amittatur.*
10. *Causa possessionis & causa proprietatis in eodem Judicio cumulari possunt.*
11. *Et utraque regulariter apud eundem Judicem tractari debet, licet non cumuletur.*
12. *Consultius est intentare Possessorum quam Petitorum; quia possessio faciliter probatur, quam proprietas.*
13. *Quanam sint remedia, quibus intentari potest Petitorum, & Possessorum.*

Possessio facti est detentio rei possideri à re nou prohibitæ & aliquando apprehensæ cum animo eam sibi habendi. Communis quoad sensum ex l. 1. §. 3. & 20. l. 3. §. 3. ff. de acquir. vel amitt. possess. Unde tria ad hanc possessionem requiruntur. 1. apprehensio, quæ in rebus corporalibus fit corpore, verè vel fictè, in corporalibus per usum, vel exercitium alicujus juris. 2. animus rem sibi habendi, seu intentio habendi rem ut suam, cum vel sine opinione domini. 3. non resistentia Juris, vel personam redditis incapacem possidendi, vel detentionem ita prohibentis, ut ea nunquam habeat vim veræ possessionis. Quare multi hanc possessionem sic definiunt: est detentio rei concurrente corporis, animi, & Juris administriculo. Dixi, possessio facti, nam pos.

possessio juris, quæ constituit tertiam speciem juris realis, & velut effectus oritur ex rei detentione, est jus reale seu potestas insistendi, & rem sibi habendi, fruendique commodis indè provenientibus: quæ commoda & privilegia possessionis sunt valde æstimabilia; nam melior est conditio possidentis. c. 65. de R. J. in 6. relevat regulariter ab onere probandi proprietatem, illudque rejectum in Adversarium: parit præsumptionem dominii; &, si longissimi sit temporis, præsumptionem tituli: causat conditionem usucapiendi, seu præscribendi rem vel jus: tribuit jus administrandi rem pendente lite: dat potestatem repellendi invasorem etiam per vim: fundat actionem realem, quæ appellatur *Publiciana*, vi cuius potest quis, licet dominus non sit, vindicare rem possessionem sibi ablatam adversus quemcunque detentorem, excepto verò dominō, & eō, qui cum titulo non infirmiore detinet. Aliqui possessionem naturalem vocant *facti*: & civilem appellant possessionem juris; de qua utraque nos statim. Ceterū quamvis ad possessionem veram requiratur animus rem sibi habendi, seu detinendi ut suam, qua de causa depositarius, commodatarius inquilinus, & alii, qui rem alieno nomine, & non ut suam detinent, veri possessores non sunt, licet in possessione esse dicantur in l. 10. ff. de acq. vel amitt. poss. tamen non est necesse, ut aliquis credit, rem esse suam, sed sufficit, modò velit ab aliis haberi pro domino rei; nam fur, licet sciat, rem non esse suam, illam tamen verè possidet possessione Juridica in ordine ad aliquos effectus civiles, non merè *aspirinā*, qualem vocant *Practicī*, vel me-

rē

rè *naturali*, ubi animus rem sibi habendi non con-
jungitur. Porro si detineatur res corporalis, vo-
catur *possesso simpliciter*, si jus vel res incorpo-
lis, uti servitus &c. *quasi-possessio*. Neben-Be-
sitzung / dicitur: quanquam in Praxi hoc discri-
men non ita scrupulosè observetur, sed etiam in-
corporalia dicantur possideri sine addito *qua-*
cùm utraque possessio habeat eosdem effectus.

- 2 *Possessio* dividitur 1. in *Naturalem & Civilem*:
naturalis est, quando quis rem sibi detinet, at sine
opinione dominii. l. 13. §. 2. ff. de *Public.* in *rem*
act. Econtra *civilis*, quando quis rem detinet cum
opinione dominii, seu, ut loquuntur, *cum opinio-*
ne domini. per l. 6. §. 1. ff. de *acq. vel amit. poss.*
Aliter & à modo possidendi describunt alii, præ-
fertim Theologi, possessionem *naturalem ac civi-*
lem, naturalem vocant, quando quis corporaliter
insistit rei, quam aliis possidet civiliter, *civilem*
verò quando, quis non corporaliter insistit rei
semel apprehensæ, retinet tamen animum eam
sibi habendi, ut si quis aliò profectus retineat ani-
mum sibi ædes, quas corporaliter inhabitavit ut
suas, porro habendi. l. 6. cit. denique *mixtam ex*
utraque, quando quis corpore & animo rem deti-
net, ita ut nullus alias eam aliquo modo detineat
vel possideat. Dividitur 2. in *justam*, quando
quis rem possidet ex titulo justo, seu approbato à
Jure, & per se habili ad transferendum dominium,
v.g. titulo *emptionis*, *transactionis*, *legati* &c.
& in *injustam*, quando quis detinet rem absque
justo titulo, v.g. si Titius possideat fundum, licet
putet esse suum, quem tamen pater ipsius occu-
pavit sine omni titulo, vel saltem non legitimo,

& à

& à Jure non approbato, ut si emit à pupillo sine
debitis solennitatibus. 3. In possessionem *bona fidei*, quando quis detinet rem, quam putat esse
suam, quamvis fortè sit aliena, & in possessionem
malæ fidei, quando quis detinet rem, quam scit
vel credit esse alienam, qnamvis fortè aliena non
sit. Possessio *vacua* dicitur, quando res à nemine
detinetur vel corpore tantum, vel animo tantum,
vel utroque, seu quæ nec naturaliter nec civiliter
possidetur ab ullo, nec aliquis est in ejus posses-
sione.

Proprietas, quamvis subinde sumatur pro solo 3
dominio directo, generaliter tamen coincidit cum
dominio generaliter accepto, & est facultas dispo-
nendi de aliquare; quod dominium dividitur *in plenum*, & est *libera facultas perfectè disponendi de re* tam quoad substantiam quam quoad utilitatem
& emolumenta illius, scilicet alienando destru-
endo &c. quin alius jure reali ejusdem rationis
contrario, quod habet in eadem re, impedire pos-
sit. Et in *non-plenum*, quod est facultas dispo-
nendi de re, at non perfectè, quia nimis aliis
in eadem re habet jus notabile contrarium, ut con-
tingit in fideicommissis & majoratis, vel si quis
tantum possit disponere de proprietate rei, uti
dominus directus in bonis Feudalibus, vel de uti-
litate tantum, uti vasallus, & emphyteuta &c.
Et sic tenendum est de *dominio proprietatis*,
spectante proprium commodum; nam aliud est
dominium jurisdictionis, quod est potestas guber-
nandi subditos, judicandi, puniendi, defendendi,
& aliquod emolumenntum ab iis exigendi: si con-
junctum sit cum imperio mero, & alteri non sub-
ordi-

ordinatum, vocatur *altum*: si non sit conjunctum cum imperio mero, vel alteri tanquam Superiori sit subordinatum, dicitur *bassum*, vel *jurisdictio bassa*. *Objic.* Pupillus habet plenum dominium rerum suarum, & tamen liberè ac perfectè de illis disponere nequit: ergo nostra definitio dominii pleni non convenit omni definito, adeoque ei addi debuissent verba, ut multi faciunt, nisi lege prohibeatur. *R. dist. ant.* Pupillus non potest liberè, ac perfectè disponere de rebus suis propter jus reale contrarium, quod alias habet in iisdem *N. ant.* propter prohibitionem & dispositionem legis tantum, non fundatæ in jure reali alterius. *C. ant. & N. cons.* Sic utique manes plenus dominus tuæ ovis, licet propter prohibitionem legis illam comedere non possis die Veneris. De reliquo dominium plenum & perfectum ejusdem rei in solidum pro eodem tempore dari non potest; clarè enim pronuntiat. *I. 5. §. 15. ff. com. mod.* duorum in solidum dominium, vel possessionem esse non posse.

4 *Causa possessionis* est controversia in Judicium deducta, in qua principaliter agitur de possessione rei, vel quasi-possessione juris, abstrahendo interim de dominio rei, vel quasi-dominio juris corporalis, vocaturque *Judicium Possessorium*, quod triplex est, nempe possessionis *adipiscenda*, quando agitur ad possessionem acquirendam prius non habitam: *retinenda*, quando agitur ad conservandam possessionem prius habitam, ut si quis in ea turbetur ab alio: & *recuperanda*, quando agitur ad possessionem, qua quis semel habita deje^ctus est, & *ecce eam amisi*, rursus obtainendam.

dam. Si quæstio in Judicium ducatur præcisè, an quis possideat, abstrahendo, an justè vel injustè, vocatur Possessorum *Summarium*, vel *Summarissimum*, vel *causa momentanea possessionis*, quia brevissimè proceditur, & pro intetim (relicta Adversario potestate intentandi postea Possessorum *Ordinarium*) definitur, quis possideat, v. g. ne veniatur ad arma, cùm quilibet litigantium fortè possessorem se dicat: si verò tractetur quæstio simul de justitia Possessionis, Possessorum *Ordinarium* vel *Plenarium* dicitur. Econtra *cauſa proprietatis* est controversia in Judicium ducta, in qua principaliter agitur de dominio seu proprietate rei, vel super alio jure à possessione distincto, diciturque *Judicium Petitorum*.

Dico I. Possessio rerum corporalium acquiritur per apprehensionem corporalem vel *veram*, v. g. per occupationem rei derelictæ, seræ sylvestris, thesauri, per traditionem rei donatae, venditæ &c. per positionem pedis aut sessionem in fundo, aut per ingressum in ædes, possessore carentes &c. vel per *fictam*, v. g. per traditionem alicujus signi, aut clavum ad ædes, aut instrumenti donationis &c. in quo continetur jus prioris possessoris, per ostensionem fundi, per signum rei impressum, per appositionem custodiæ, per *clavis* *constituti*, ut si is, qui rem tibi vendidit, eam quidem non tradat tibi, nec in se nec in signo, constituat tamen & declareret, se illam deinceps tuo nomine possidere, & tu consentias. Sed non sufficit apprestensio sine animo possidendi, adeoque possessio non acquiritur sine corpore & animo simul, sive sine apprehensione corporali facta

vel

vel per se ipsum, vel per procuratorem aut alium ejus nomine, conjuncta cum voluntate consequendi possessionem. Constat ex §. 12. 18. 40. 45. Inst. de rer. divis. l. 1. §. 1. l. 3. §. 3. l. 8. l. 18. &c. ff. de acquir. possess. item ex l. 4. C. de acquir. & retin. poss. ibi: licet possessio nudō animō acquiri non possit, tamen solo animo retineri potest. Dixi, rerum corporalium; nam quasi-possessio jurium incorporalium, rebus corporalibus non inhærentium, v. g. juris venandi, eligendi, decimandi &c. acquiritur per unum vel plures actus non meræ facultatis, h. e. quos aliis tibi non concedit ex mera gratia, adeoque non precariò exercitos, nec vi, nec clam, cum animo tamen possessionem cipiendi vel acquirendi, & paciente illo, cuius est permittere vel prohibere illos actus. Haunold. tom. 1. tr. 3. n. 221. cum Molina. Sumitur ex c. 3. b. t. l. 1. ff. de itin. actuque. & l. 2. junct. gl. C. de servit. & aqua: sic possidere incipis jus eligendi, si vel semel admittaris (non ex mera gratia) ad faciendam electionem Prælati: sic exerces actum possessorum, & te constituis in possessione servitutis urbanæ negativæ, v.g. altius non tollendi ædes suas, contra vicinum per unicam prohibitionem, cui acquievit tuus vicinus, ædificare altius volens.

6 Dico 2. Possessio rerum tam corporearum, quam jurium incorporalium, amittitur non solum per hoc, quod corpore relinquuntur cum animo sibi non amplius habendi, sed etiam per solum hunc animum non amplius possiddendi. l. 3. §. 7. 13. & 17. 18. l. 7. l. 8. l. 15. 17. 18. 25. 46. ff. d. acq. poss. Sic possessio rerum im-

mo-

De Causa Possessionis & Propriet. 385

mobiliū (idem est de juribus incorporealibus, sive adhærent rebus corporalibus, sive non) amittitur per voluntatem, vel expressam vel tacitam, deferendi, per diuturnam absentiam, longam oblivionem aut ignorantiam, quod res sit sua, si quis intelligat, rem ab alio esse occupatam, & eam recuperare negligat, vel recuperare volens repellatur, vel timens repulsam ne quidem audeat repetere aut invadere possessionem. Sic quoque possessio rerum corporalium mobiliū per voluntatem expressam vel tacitam, non amplius possidiendi, per amissionem rei, v. g. annuli, talein, ut quis non amplius retineat in custodia aut rebus suis, vel non sciat, ubi sit, per furtum vel rapinam rei, per fraudem depositarii, qui rem depositam loco movet seu contrectat furti faciendi causā, & animō habendi ut suam, per traditionem rei, etiam illi factam, qui possessionis est incapax, per fugam animalis non domestici, v. g. feræ sylvæstris, consuetudinem redeundi non habentis &c. Communis DD. ex citt. ll. Objic. In l. 8. cit. sic habetur: quemadmodum nulla possessio acquiri nisi animb & corpore potest: ita nulla amittitur nisi in qua utrumque in contrarium actum est: ergo possessio rerum corporalium solo animo non amittitur. R. & oppono alias leges, in specie. l. 17. cit. ibi: possessio autem recedit, ut quisque constituit nolle possidere. Itaque l. 8. cit. intelligi debet de casu, quo quis rem prius deseruit corpore; tunc enim necesse est, ut & animō reliquat.

Dico 3. Possessor bonæ fidei tenetur cum re aliena, in Judicio evicta, perceptos ex illa fructus

Pars I.

Bb

naturæ

7

naturales & mixtos (aliud est de merè industrialibus vel civilibus) & adhuc formaliter existentes restituere, nisi nempe præscripserit, quod fit per lapsum triennii. 2. Probabilius tamen non tenetur restituere virtualiter existentes, h. e. quos quidem consumpsit vendendo, absumento &c. ita tamen, ut inde factus sit ditior, modò possederit rem titulo singulari, & non ut hæres putatius titulo universali. Pars prior sumitur ex l. 22. C. de R. V. ibi: *certum est, mala fidei possessores omnes fructus solere cum ipsa re præstare: bona fidei vero existentes: post litis autem contestationem universos.* Item ex l. 48. ff. de acquir. rer. domin. ibi: *bona fidei emptor non dubie percipiendo fructus, etiam ex aliena re, suos interim facit, h. e. quamdiu res non fuerit in Judicio evicta à domino.* Pars posterior ex §. 35. Inst. de rer. divis. ubi de fructibus consumptis textus dicit. *illos ejus esse pro cura & cultura, qui bona fide percepti, & dominum rei, si postea comparuerit, agere non posse ad repetendos hos fructus: sed fructus merè consumpti, utpote non ens, non possunt dici alicujus esse, & frustra negatur actio ad repetendum non ens: ergo ibi est sermo de fructibus aliquo modo adhuc existantibus.* Confirmatur solidè ex l. 4. §. 2. ff. fin. regund. ibi: *fructus ante Judicium (seu litem contestatam) percepti non omni modo hoc in Judicium venient: aut enim bona fide percepti, & lucrari eum oportet, si eos consumpsit: aut mala fide, & condici oportet: sed lucrari dici non potest, cui ex fructibus consumptis nihil remanet, ex quo factus sit ditior, & nisi fructus virtualiter & in aliquo sui existent, licet in se*

CON-

consumpti sint, & in natura non amplius existent penes possessorem: ergo negatur in Jure actio ad reperendos fructus virtualiter existentes, nec dari obligatio illos, seu *lucrum ex illis perceptum*, restituendi. Accedit praxis, de qua testantur Sanchez & Rebellus Adversarii apud Haunoldum.

Contra 1. partem *objic. l. 4. §. 19. ff. de usurp. & usucap.* ubi dicitur, quod lana ovium alienarum, quam percepit bona fidei emptor, statim fiat emptoris, nec usucapi debeat, quoniam in fructu est: ergo nec formaliter existentes fructus debent restituvi, cum Jura tribuant eorum dominium. Contra 2. partem *Objic. l. In l. 15. pr. & l. 26. §. 12. ff. de condit. indeb.* dicitur, quod debeant restituvi fructus, ex quibus accipiens factus est ditior, quando restituitur indebitum: sed, quando restituitur res aliena in Judicio evicta, restituitur indebitum: ergo: 2. qui rem alienam bona fide possedit, eamque vel partem illius consumpsit ita, ut factus sit inde ditior, v.g. recipiens premium pro illa teneatur in æquivalenti restituere: ergo etiam fructus consumptos, qui exinde factus est ditior, tenetur in æquivalenti restituere. 3. spectatis Legibus positivis est dubium, an fructus ex aliena re percepti, & virtualiter existentes, debeant restitui, spectato autem Jure Naturali est certum, quod debeant restitui, cum res fructificet domino: sed in concurso Juris certi & dubii debet observari certum: ergo.

R. Ad objectionem contra 1. partem *N. Conf.* quia, licet possessor bona fidei acquirat dominium fructuum formaliter existantium, & hi statim ejus fieri dicantur, illud tamen dominium est so-

Nun revocabile, ut iste textus concordet cum l. 43.
cit. ubi dicitur talis possessio^r suos *interim* facere
fructus: & in ordine ad dominium revocabile ob-
tinendum non opus habet usucapione & præsci-
ptione, bene tamen ad obtinendum dominium in-
revocabile, ut insinuat idem textus verbis præce-
dentibus, ubi fructus dicit usucapi posse. Ad 1.
secundæ partis N. Min. quia res aliena non bene
dicitur *indebitum*, quod repeti debet condicione
seu actione personali, cùm res aliena vindicari de-
beat actione reali. Et hinc distingui etiam potest
Ma. quando restituitur indebitum, quod petitur
per *condicitionem indebiti*, seu *actionem persona-*
lem, ab illo, qui ex contractu plus justo accepit.
C. Ma. quando restituitur indebitum, vel potius
res aliena, quæ petitur per *actionem realem ratio-*
ne dominii, uti contingit in nostro casu. *N. Ma.*
Ad. 2. *N. Cons.* quia rei alienæ dominium nullibi
tribuunt Jura, bene tamen dominium *fructuum ex*
re alina perceptorum, & quidem irrevocabile, ut
colligitur ex *§. 35. & l. 4. §. 2. citt.* Ad 3. *dijt.*
Ma. quoad alterum membrum: spectato Jure
Naturali est certum independenter & præscinden-
do à Legibus positivis. *C.* post leges Juris Civilis
jam positas *N. Ma.* quia de hoc quæritur, an per
Leges Positivas sit recessum à Jure Naturali: unde
Adversarii, qui hoc arguento satis speciosò
utuntur, assumunt id, & supponunt, quod forma-
lissimè est in quæstione, & hoc ipso argumentum
est inefficax, ac retorquetur in instantiis, v. g. cer-
tum est Jus Divinum, quod, qui peccavit mortali-
ter, hoc peccatum debeat confiteri, & tamen, ca-
su quo quis dubitat dubio positivo ex ratione pro-
babili.

babiliori, vel etiam probabili tantum, quod jam sit confessus, nec juxta plerosque Adversarios tenetur confiteri; quia pro his circumstantiis Jus Divinum non stringit, vel saltem non certe existit.

Replicabis: Textus pro nostra sententia allegati non probant intentum. Siquidem 1. ex eo, quod negetur *actio* ad repetendos fructus virtuiter extantes, non infertur, quod bona conscientia retineri valeant; sicut ex eo, quod Jura negent actionem laeso infra dimidium justi pretii, non infertur, laudentem esse securum in conscientia, & non obligari ad reparandam lassionem, 2. Illa verba *ejus esse*, item verbum *lucrari*, non indicant satis, quod ex fructibus *consumptis*, de quibus allegata Jura loquuntur, adhuc aliquid existet; cum intelligi possint in hoc sensu, quod bona fidei possessor consecutus sit libertatem ab obligatione restituendi fructus merè consumptos, alias refundendos, qui proin recte dicuntur *ejus esse*, & quod ipsos *lucretur*, in quantum nihil de suo tenetur restituere pro fructibus merè consumptis. *Neg.* assertum. Ad probationem 1. Jura non præcisè negent actionem, sed insuper tribuunt dominium per verba, *ejus esse*, & *lucrari*; quod enim omnino consumptum, & nihil est, *meum esse*, nec *lucrari* quis dici potest, ut patet ex communi persuasione hominum. Quis enim non me rideret, si dicerem: *equus, qui tabe, vel fulmine periit, meus est: aut: in hoc lusu*, in cuius fine deprehendo easdem me habere pecunias, nec obulō plus quam initiō lusūs. *ego lucratus sum?* Dein paritas non est cum casu, quo negatur *actio* laeso infra dimidium justi pretii: quia ladens fuit in mala fide, & Jura illi nunquam

390 LIB. II. TITULUS XII.

tribuunt dominium ejus, in quo læsit: econtra in nostro casu possessor est bonæ fidei, & Jura ipsa tribuunt dominium & lucrum fructuum consumptorum. Ad probationem 2. Imprimis huic interpretationi Jurium obstat communis persuasio hominum, & modus loquendi, ut patet ex paulo ante dictis. Deinde repugnant Jura, secundum quod lucrum dicit incrementum patrimonii, & accessionem rei positivam, ut l. 4. §. 1. ff. de Munerib. & bonorib. non verò lucrum negativum, quod est potius negatio lucri & non lucrum: item lucrum distinguitur secundum Jura à non-damno. l. M. tius 30. ff. pro socio. ibi: neque enim lucrum intelligitur nisi omni damno deducto: ergo cessante danno primum incipit lucrum: at juxta Adversariorum interpretationem nostri textus lucrum & non-damnum essent idem. Denique ex dicta interpretatione sequeretur hoc absurdum, quod Jura magis faveant illi bonæ fidei possessori, qui fructus ex aliena perceptos inutiliter vel etiam peccaminose dilapidavit, v. g. per comedationes & compationes, quam alteri, qui utiliter impendit tanquam Guayus œconomus, eò quod hunc obligent ad restitutionem, illum autem ab ista liberent: quod plane absurdum videtur esse, & alienum à mente Legislatorum sapientissimorum.

3 Dico 4. Proprietas seu dominium rerum acquiritur vel per acceptationem, vel per traditionem, accidente titulo, & animo sibi appropriandi, seu acquirendi dominium, adeoque iterum requiritur factum & animus simul. Communis ex §. 12. 39. 40. & 44. Inst. de rer. divis. l. 23. §. 4. ff. de R. V. & l. 20. l. 31. ff. de acquir.

acquir. *rer. dom.* l. 55. ff. de O. & A. Duxi
 1. per occupationem. §. 12. & 39. citt. qua
 apprehenduntur & acquiruntur res, quæ vel
 nunquam habuerunt dominum, uti feræ, mar-
 garitæ in littore maris inventæ &c. vel quæ iterum
 amiserunt dominum, ut bona *vacantia*, quæ fue-
 runt alicujus sine omni hærede decedentis, bona
derelicta, quæ quis abjicit, vel ita negligit, ut
 nolit habere amplius sua, & *thesauri*, seu pecuniaæ
 vel alia res mobilis à tempore, cujus memoria
 non exstat, deposita, ut jam dominum non habeat.
 Et hæc fiunt primò occupantis, uti communiter
 dicitur, nisi aliud ordinaverint Leges. Ad occu-
 pationem refertur *venatio* tam *terrestris*, qua ca-
 piuntur animalia in terris vagantia, & in naturali li-
 bertate existentia, quam *aucupium*, quo volucres,
 & *piscatio*, qua pisces in mari vel flumine publico
 acquiruntur. Item *Inventio*, qua thesauri, venæ
 minerales, bona derelicta, & incerta absque de-
 dicto, apprehenduntur. Demum *occupatio bellica*,
 qua homines, vel res hostiles capientibus cedunt.
 Duxi 2. per *traditionem*, qua acquiritur domi-
 nium rerum, quæ priùs in alicujus dominio fue-
 runt, ut fit in contractibus. §. 40. 44. citt. non
 enim pactis, sed traditionibus & usucaptionibus
 transferuntur rerum dominia. l. 20. C. de *Pactis*.
 Excipe tamen hæreditatem, legatum, donationem
Ecclesiis, locis piis, & civitatibus factam, item
 beneficia Ecclesiastica, quorum omnium dominium
 vel jus reale acquiritur statim per acceptationem,
 nondum secuta etiam traditione.

Duxi 3. *accidente titulo*, seu causa de se ha-
 bili ad conferendum vel transferendum domini-

um, cujusmodi causæ vocantur propterea modi
acquirendi dominium. In rebus, quæ prius in
nullo erant dominio, causa datur *immediata* &
proxima, scilicet *occupatio* seu *apprehensio*, con-
sequenter non requiritur titulus distinctus: in re-
bus autem, quæ prius fuerunt in aliquibus domi-
nio, præter causam *immediatam*, quæ est *tradi-
tio*, seu *vera* seu *ficta*, per quam ab uno imme-
diatè transfertur dominium in alium, datur etiam
causa mediata & *remota*, adeoque titulus distin-
ctus, v. g. *emptio*, *donatio*, & alii *contractus* &
paœta, sive sint à *Jure Gentium* introducti, ut *pri-
ma rerum divisio*, & multi *contractus*, sive *Jure
Civili*, ut *stipulatio* &c. Ad modos acquirendi
Civiles seu *Jure Civili* introductos refertur etiam
ab aliquibus *Usucapio* seu *Præscriptio*, item *Te-
stamentum*, *Legatum*, *Successio hæreditaria*, *Ar-
rogatio*. Rursus inter modos acquirendi domi-
nii etiam censetur *Accessio*, vi cujus aliqua res fit
mea, quia alteri, quæ mea vel est, vel esse puta-
tur, accedit. per l. 23. §. 4. ff. de *R. V.* Et est du-
plex, *Naturalis*, quæ fit operante sola natura,
qualis est alluvio: *coalitio*: *insulæ productio*:
alvei mutatio: *fœtura* seu *nativitas animalium*: &
perceptio fructuum. Alia autem *Artificialis* seu
Industrialis, quæ fit per artificium, *industriam*,
vel factum hominis, ut est *inædificatio*: *implan-
tatio*: *satio*: *intextura*: *scriptura*: *pictura*: *confu-
sio*: *commixtio* seu *permixtio*: denique *specifi-
catio*; quorum verborum sensus & explicatio pe-
tenda est à *Legistis* ad *Tit. Instit. de Rer. divis.*
Dixi 4. & animo sibi appropriandi, ut colligitur
ex l. 55. 57. ff. de *O. & A.* si enim non accedit

ani-

animus, quo acceptas titulum, quem tibi Jus Naturale vel Gentium vel Civile offert, res non sit tua: imò, si res fuit priùs in alterius dominio, etiam hujus consensus requiritur. l. 55. cit.

Dico 5. Dominum rerum ferè amittitur contrariis modis. per l. 35. ff. & c. 1. de R. J. ibi: omnis res, per quascunque causas nascitur, per easdem dissolvitur. Nimurum si res abjiciatur, vel neglegatur cum animo non amplius habendi ut suam. Et accessio, vel traditio, dum uni dant, alteri auferunt dominium.

Dico 6. Causa possessionis & proprietatis cumulari seu simul in eodem Judicio proponi potest statim initio litis, ut si Actor utramque proponeat in eodem libello, vel reus agenti super possessione opponat, & probare contendat proprietatem rei. 2. imò & successivè seu in decursu litis, quin & ab eodem Actore mutari potest, ita ut, si priùs intentavit Petitorum, seu super proprietate egit, postea Possessorum aliquod instituere valeat, ac vice versa. Pars 1. quam tenet communis contra aliquos apud Bartolum, & plurimi etiam extendunt ad Possessorum retinendæ cumulandum ab eodem cum Petitorio, sumitur ex c. 2. seqq. h.t. l. 18. in f. ff. de vi & vi arm. Pars 2. ex c. 5. h.t. Clem. un. eod. l. 18. cit. quia intentans causam proprietatis non hoc ipso renuntiat causæ possessionis, nec vicissim. Objic. 1. Sententia lata in Petitorio parit exceptionem rei judicatæ in Possessorio, ac proprietas absorbet possessionem, & sic reddit Possessorum inutile. per c. 3. & 6. h.t. ergo non possunt cumulari tanquam actiones contrariae. 2. qui intentat Petitorum, tacite facetur, non se,

Bb 5

sed

sed Adversarium possidere: ergo cum Petitorio cumulari nequit Possessorium, saltem retinenda possessionis. R. ad I. N. Ant. quia possessio nihil commune habet cum proprietate; & ideo non denegatur ei interdictum uti possidetis, qui cœpit rem vindicare; non enim videtur possessioni renuntiasse, qui rem vindicavit. l. 12. ff. de acquir. poss. Vel enim eadem pars proposuit utramque causam, vel una causam proprietatis, & altera possessionis? si prius, sententia super proprietate non absorbet, nec inutiliter reddit alteram super possessione; quia trahit non tantum commoda domini, sed etiam possessoris: si posterius, sententia in Petitorio latet absorbet quidem sententiam in possessorio quoad effectum principalem, quia possessio debet cedi proprietatem evincenti. l. 9. C. de R. V. non verò quoad effectus secundarios; nam cadens causam possessionis, si bona fide possedit, retinet fructus consumptos, & juxta nos etiam virtualiter existentes &c. Ad 2. N. ant. propter l. 9. & 12. citt. quamvis enim fateatur, qui cum Petitorio cumulat Possessorium retinendæ, adversarium rem detinere, vel in possessione esse, non tamen fatetur eum possidere. Dein potest fateri, alterum possidere naturaliter, ipse tamen agere ad retainendam possessionem civilem. Et cur cum Petitorio nequeat simul agere, ne turbetur in possessione, & sic eam retineat?

II Dico 7. Utique causa, possessionis & proprietatis, sive cumuletur, sive post terminatam unam finitò Judicio proponatur altera, apud eundem Judicem regulariter tractanda est. c. 1. b. t. l. 10. C. de Judic. quia sunt connexæ, cum respiciant eandem

eandem rem : connexio autem seu continentia causarum non est dividenda. l. 10. cit. Objic. In l. 12. cit. dicitur : *proprietas nihil commune habet cum possessione.* R. Quoad naturam suam & effectus &c. C. quoad subordinationem & forum. N. assertum. Dixi, regulariter ; nam causa spiritualis, si de ea agatur in Petitorio, vel in Possessorio quæstionem Juris seu super proprietate annexam habente, non potest tractari coram Judice Laico, per c. 2. de *Judic.* Si priùs in mero & nudo Possessorio circa rem spiritualem non habente annexam quæstionem Juris coram Laico actum est, uti saltem vi consuetudinis fieri posse testantur plurimi (nam spe &ato Jure Clem. un. h. t. etiam possessorium merum super re spirituali, & quæstio meri facti pertinet ad Judicem Ecclesiasticum.) Idem est si Clericus in causa profana obtinuit in Possessorio coram Judice Laico ; nam si finitâ causa redeat Laicus ad Petitorium, non ad Judicem Laicum eundem, sed ad Ecclesiasticum ire debet.

c. fin. de *Judic.*

Dico 8. Siquis litigare intendit, longè consul- 12
tiūs intentiat Possessorium, si aliquo experiri possit,
quam Petitorium. Ita salubriter monet f. C. l.
24. ff. de R. V. ex ratione, quia possessio facilius
longè probatur, quam dominium, & probata
possessione rejicitur onus probandi domini-
um in Adversarium. Siquidem *possessio* probatur
per apprehensionem rei semel factam, detentio-
nem, usum, perceptionem fructuum, & alios actus
possessorios, qui incurruunt in oculos & sensus, at-
que ideo facile probantur per testes, instrumenta,
famam &c. Neque est necesse, ut testes, per quos

pro-

probatur possessio, deponant de eodem actu possessionis, vel exercitio sub idem tempus, sed sufficit, si unus v. g. testetur, Titio rem esse traditam, alter verò eandem à Titio elocatam pro pensione; vel si unus testetur, Titium seminasse in hoc agro, alter, eundem messuisse &c. vel si unus testetur, Titium hoc, alias alio tempore, jurisdictionis actum exercuisse. Imo in probanda possessione saltem momentanea sufficit semi-plena probatio, v.g. unus testis, aut fama. Mascard. *de probat. cond.* 1205. à n. 1. & n. 14. cum plurimis. Ceterum si duo contendant de possessione, præsumptio stat pro illo, qui probat antiquiorem possessionem; nam novior præsumitur (nisi probetur aliud) clam aut violenter, adeoque injustè acquisita. c. 9. *de probat.* & qui semel possedit, etiam hodie possidere præsumitur, ait brocardum. Proprietas contra est admodum difficilis probationis, præsertim ubi per viam Præscriptionis probari nequit; non enim sufficit probare titulum emptionis, donationis &c. imò & traditionem, sed etiam, quòd venditor, donans &c. fuerit dominus: cùm nemo possit plus juris in alium transferre, quām sibi competere dignoscatur. c. 79. *de R. f. in 6.* Unde suadetur quoque, ut, si quis in Petitorio agere intendat, non instituat rei vindicationem, sed remedium Praetorianum, videlicet actionem Publicanam, in qua opus non est probare dominium, sed solum rem esse sibi traditam ex justo titulo, adeoque bona fide acquisitam. l. 1. seqq. ff. *de Public. in rem act.*

I 3 Quæres, quænam sint remedia, per quæ agatur in Petitorio & Possessorio, seu in causa proprietatis & possessionis? R. I. In Petitorio sunt actiones

nes tum *reales*, quas explicavimus tit. I. de *Judic.*
tum *personales*, quæ nimurum descendunt ex con-
tractu vel quasi, delicto vel quasi, de quibus in
suis titulis, v. g. de *emptione* & *venditione*, *locato*
conducto, *injuriis* & *damno dato* &c. R. 2. In
Possessorio sunt varia *Interdicta* (sic appellantur
remedia Possessoria, vel hodie *actiones extraordi-*
naria in factum) & quidem in Possessorio posses-
sionis *adipiscenda* sunt hæc tria, *interdictum quo-*
rum bonorum, quod competit hæredi ad conse-
quendam hæreditatis possessionem: *quorum lega-*
torum, quod competit eidem hæredi, vel bonorum
possessori, ad restituendam sibi possessionem lega-
ti, quod legatarius propria auctoritate occupavit;
& *Interdictum Salvianum*, quod competit locatori-
fundi adversus conductorem, ut adipiscatur pos-
sessionem rerum, quas iste in prædium conductum
intulit, tanquam locatori oppignoratarum pro-
pensione conductionis. R. 3. In Possessorio *Re-*
tinenda sunt hæc duo: *interdictum uti possideris*
in ordine ad retinendam possessionem rerum im-
mobilium, in qua quis turbatur extra *Judicium*:
& *interdictum utrobi* pro retentione possessionis
rerum mobilium. R. 4. In Possessorio *Recupe-*
randæ inter præcipua sunt duo *Juris Civilis*, nimi-
rum *Interdictum Unde vi* pro recuperanda posses-
sione rerum immobilium, & jurium immobilibus
equiparatorum, à qua quis violenter dejectus est:
& *actio Vi bonorum raptorum* pro recuperanda
possessione rerum mobilium, qua quis spoliatus
est per rapinam, aut furtum &c. Item duo *de*
Jure Canonico, quæ non vocantur *Interdicta*, sed
Conditiones ex Lege ad recuperandam posses-
nem.

nem, neempe conditio ex c. saepe contingit, &
 & conditio ex can. redintegranda, & haec dicitur
 etiam *remedium redintegranda*. Sed de Reme-
 diis *Recuperanda* aget sequens.

TITULUS XIII.

De Restitutione Spoliatorum.

SUMMARIUM.

1. *Quid veniat nomine Spoliati, & Restitutionis.*
2. 3. *Spoliatus regulariter restitui debet ame omnia, & plene, modo probet spoliationem.*
4. *Quæ sint remedia possessionis recuperanda, qui quibus agere possit spoliatus; & quodnam sit optimum. Remedium redintegranda da tur etiam contra tertium possessorem bona fidei.*
5. *Quæ sit alia pena spoliatoris.*

I *S*poliatus dicitur, qui clàm vel vi iustè de jectus est possessione vel quasi possessione rei; nam *spolium* est violenta vel clandestina privatio possessionis, sive deinde facta sit à pri vato, sive à Judice Juris ordinem non servante; non enim concessum est Judici contra Jus aliquid facere. *l. 32. ff. de Injur.* ne indè nascatur occasio injuriarum, unde jura descendunt, *l. 6. C. unde vi.* Per *Restitutionem* intelligitur positio in pristinum statum authoritate Judicis facta.

2. Dico I. Regula est, quod omnis spoliatus regulariter restitui debeat. 2. Et quidem ante omnia,

3. Ac